

金鎖流珠引卷之五

思四

中 華 仙 人 李 洋 風 注

太玄元炁所生三元引


太玄註太玄上清等上清之始元炁之初元

炁生大道大道生太一太一生三炁之色也
玄黃元白始青此三炁之色三炁烟燼交通
往復黃生赤青生黑此五色之炁也炁生色
炁色相生三五無極炁色結形號之曰神神
形有名標其位明有尊卑更相補助治邪佑
正藏身求仙出名呪印佐國衛家解罪布福
護善誅惡皆成將吏兵馬前後世異立法不
同簡略之時或從委曲之儀滋繁之日或宜
省要之科是以道應抑引隱顯參差後學成
真受命玄職姓名鄉居隨世代出或无不可
具載今記先師所傳者如左
後聖君授道陵曰子欲修行先知始生始生
禍福立有分明得福者王夫福者衰又得禍
者死夫禍者生能除刑禍以辨始生假令甲
子命人元炁在辰辰與之鄉總也始生在

巳成午未榮申王相酉酉為福德休在戌廢
在亥刑在子禍在火火元星木命人始生在
亥成子丑榮寅王相卯卯為福德休在辰廢
在巳刑在午禍在金金元星水命人始生申
成酉戌榮亥王相子子為福德休在丑廢在
寅刑在卯禍在土土元星土命人同水命人
用火命人始生在寅成卯辰榮巳王相午午
為福德休在未廢在申刑在酉禍在水水元
星即身從五行始生亦從五行所減卿能出
刑禍變入長生則成仙人往往如此四年名
入地真仙也金命人癸感或火星為禍星常
欲禍金命人人知之以求辰為福星常救止
伏其禍禍自滅不敢行人得長生木命人太
白白金星為禍星常欲禍木命人人知之以
求癸感為福星常救止伏其禍禍不敢行人
得長生水命人鎮星土星也為禍星常欲禍
水命人人知之以求歲為福星常救止伏其
禍禍不敢行人得長生火命人辰星水星也
為禍星常欲禍火命人人知之以求鎮星為福
星常救止伏其禍禍不敢行人得長生土命

人歲星木星也為禍星常欲禍土命人人知
之以求太白為福星常救止伏其禍禍不敢
行人得長生夫修行之人常先履禹步次北
斗次中斗中斗名天綱也故飛步次三台次
五星即用金鎖流珠上卷第十二呪及飛天
網呪五遍及請於則玄身福歲星君與則玄
剋鎮星土炁不得妄行刑禍若刑禍於則玄
身者歲星君與青童君斬剋之急急如律令
餘做此五星靈書中自有行用五星符剋五
行之刑禍度厄守元氣始生者父母也註父
母金木命也配與己身相剋以符止剋今己
身不相剋者以明始生假令母命金子命木
母剋子子必不壽以符止剋之母子俱吉母
命土子命木子剋母亦以五行符止剋之母
子俱吉註餘皆做此此例者言始生元炁不
相刑剋修道大吉帶五行符剋鎮厄訖誦父
母始生呪捨刑禍已身訣註假令金人大為
刑禍訣在五行常訣中具載也祝曰
吾生於父母長在俗間云云呪在金鎖流珠
上卷中有兩呪呪訖步始生禹步一十二步

元始生災厄每至本命日為之



步綱訖又祝曰

吾生於父母云云是後呪呪亦同一處也始
 生行之一年辟非二年金木不相剋水火不
 相害三年去死來生四年成地真與人解始
 生災禍厄二十年名昇天真位列諸天三五
 所元炁

次列三五所生註三者天地人謂三才三元
 也三才各居一元故謂之三元註上元主天
 中元主人下元主地謂之曰三元將軍一元
 一人為將主之吏兵一元合清三千萬眾人

隨從也上古太上大道君受之於元始元始
 傳道君註道君出時天皇之世世人未有法

律上元上部將軍一人出號曰姓唐名短神
 力勇猛化身長九千萬丈領兵帶劍執簡兵
 士九千萬眾主天上上極大羅三清之上註

玉清上清太清是也上元中部註中部是上
 元中將軍主人身中一人之身亦同天同地

以身配天配地一切俱備同也將軍一人姓
 李註因老君姓李自今改姓李名拒身長七

千萬丈領兵帶劍右手持戟兵士七千萬眾
 上極三清中入人身上除天羅中除五行之

災下消地禍唯李將軍甚能佐衛於人力能
 除諸天始生災厄註古人以全作長一寸戴

以降袋安頭上善於厄中救人也上元下部
 將軍一人姓東海古姓今後聖改姓徐註今

用徐姓是也名康身長五千萬丈領兵帶劍
 右手持玉陽之節兵士五千萬眾上極上清

中入人身善能治病消除諸天十方九地始
 生之處災厄刑禍五行金木水火相滅剋之
 害者能以道力消除之又有三元三功曹三

人上元上部唐將軍下五剛神功曹一人姓
 姜名毒身長九百九十丈領兵百千萬重人

朱衣赤幘手把金符帶劍在大羅之上上元
 中部李將軍下五剛神功曹一人姓張名李

身長七百七十丈領兵百千萬重人赤幘右
 手持戟腰帶劍在太極之中上元下部徐將

軍下五剛神功曹一人姓温名舒身長五百
 五十丈領兵百千萬重人赤幘右手持玉陽

之節腰帶劍註上極大羅之天天上天下及
 入人右臂之中已上三元功曹出入各從眉

間天門中出入甚能令人得法得術叱喝鬼
 神虎豹毒蛇凶人毒龍精妖魅鬼等此說三

元上部三將軍姓名也註上元上部將軍一
 人姓唐名短上元中部將軍一人姓李名拒

上元下部將軍一人姓徐名康并三功曹是
 上元一部主天也中元三將軍始生上古人

皇之代三大臣為道隨人皇修行道成得中
 元三將軍註風安羅強天生是三人姓名也
 後周穆王三大臣替前三人風安等又有三
 人後任唐宏註為陳漢大夫即今之宰相也

又為司徒司空等官也葛雍註為侍印司常卿即今之太常卿也宇文度周武註為侍法中即今之右丞同右相位也三人學道隨穆王修六甲三元九宮之法便去官穆王得洞府之仙隱遊王屋山託解尸而去莫能尋求遂各精修胎息服炁燒鍊金丹而成服三服未得昇仙但得不死五百餘年在裁眉太白等山中三人結盟志共尋求至人願得至道白日上昇雲天我等今知上界新有大道太平金闕玄元後聖玉皇上帝上道君今共結至心願我等三人得佐為臣至心常願與玉皇得行志要佐助玉皇下受道之人取千百億萬功功成我等三人豈敢言功勞常懷救度之心乞願上天太平金闕玄元後聖玉皇上帝君聖恩遙見念發願之人行之三年果有所遇於太白山秦更始二年七月七日太平金闕玄元後聖玉皇上帝君降于太白山註古名大圓白天山披唐宏等三人三五金鎖流珠經一十五卷躡步天綱地紀之法各行修三年得地真註真是能行網禁之法救人

疾病者多太上後聖君大喜其道真心內情立即見無按行之十年再下授此引訣一十卷三人日夜修行二年果仙得朝後聖君補以充中元三大將軍之任主領三天正一之法以配斗為衣斗履斗飛斗戴斗順斗倒斗反斗橫斗低斗逆斗昂斗坐斗行斗卧斗註卧斗是安卧眼未閉前存斗如被蓋身周通以隨月建所止之神斗應亦同斗建指斗魁斗務斗魁斗剛斗柔斗陰斗陽斗邪斗正斗收斗捕斗誅斗註是步斗誅鬼斬鬼之步亦轉展舒星斗而斬之禁斗註存步七星而禁凶惡作斗正形為羅道善惡之獄禁禁見神而堅止下也合斗註合七星於心腹之內明照五藏弘斗註以滿天地以去妖惡等法并以為步相添正行正一之法立能興動風雨天地順心太平金闕後聖玉皇上帝君給兵三千萬眾隨正一三將軍錄及禹步籙等二十四階多論步網禁法之事立能救濟之術功滿拔宅昇天如在洞府之間得錄使之如手應心神力立驗故能上可飛昇得在太

手金闕聖君左右中部道將助衛宮殿追伏魔王攝錄三官之用細能佐護受籙法修行綱步之人人能精修心念感用妙在三圖註二圖一合身二出用三合影等圖皆以存思出入於心腎之中用即身長一寸從心腎中出漸漸長八十一大領兵三千萬眾或收捕凶惡之衆或五藏中病疾即從眉間入身長一寸心腎之中安鎮五藏百脉也守之堅五藏註志人日夜精思將軍入在左腎葛將軍入在右腎周將軍入在右中鎖治五藏及百脉中除諸邪妖惡疾病之根元也此即後三元始生也註此是後聖君秦始皇時更始二年七月七日降於蜀太白山中元三將軍本太平後聖君所置也賜白日登仙將軍之位上天入地入水入火大能包天地之極細能入人身之中護正破邪如霜見日故能常通感於善行之人每執節於凶惡鬼神保身助國隨籙言功定志取仙在心不失故能堅剛於已智慧生心須在中元同力度人註人行符役使將軍吏兵濟度危厄疾病屠山

海毒蛇猛獸龍蛟風水之難皆與度之此功則以人神俱因符帖而獲功謂之同力謂之得度而令得度者生歡喜心知有造化謂之中元三將之功施惠也中元三將軍始生於人皇之世而以道感天賜授中元三將軍保衛人皇也後三將軍始置替者即後聖上道君請於太上天道君將下授張天師即言始於後聖君置也註按神仙太玄正經云中元三將軍三人上古人皇以前太上天道之主虛皇元始天尊賜授太一下為主將領主太

一之府後聖玉皇奉請下界今得道人替前三人此前人以身天真之位下界三人即替三元之位後聖君請入下界名錄正一以佐護受道之身并諸結心用印掌訣隨符錄驅使令人按錄者能使結法步綱存之立驗取道之子受道之後得訣依師行住坐卧長如坐忌結結捨訣也印存想如圖一年无病能立去惡技人二年辟兵惡鬼猛獸見伏三年去死籍四年補正一地真五年神通神力无此手指凶惡皆自伏心不可妄行行須是須

己之害者已避而不得者須捨其本訣而陰思斗衣於身斗魁於手指之勅中元三將軍領兵各三千萬人聚木火獅子毒蛇而一一擊之必自心伏死不犯於己若不伏者捨凶惡刀支再使斬刺應乎吐血而死除誦五行咒金木相伐水火相滅云云此是自陰而慎之勿行道人不得已而行之又告使訣在左手大指第二節近左取之註近左是當節須近左邊是也但是三元三部九將軍總管於第二節也上元正心中及下元在左常存用

之出如圖左右男女左手是訣女右手是也常以存用不惑不妄註不幻惑於心不妄感加於志良也立取天真邪毒註邪魔王妖氣也毒蛇龍鬼獸也畏敬惠施註志道之人常以符術濟患貧病困乏慈力度人无難行

惠思德教授賢人是也通神目長堅身廣成子授黃帝曰帝欲求真莫過堅身帝欲堅身莫過通神神通之後註欲得見神者有六等一按竅法二清心實秘莫泄非人三得真經真師傳付四符網紀具足五須得此引修行

志人入門見道六既見門戶修行事符訣所用無失錯此六等修行之法唯訣為一不得此訣五事俱用不通今世人得按錄法性於上清兼辟教修齋念道香火不絕清心不違全前四等事俱修老一生者多不見有一人得者皆須求明師兼傳引訣印等方始神通既得神通未得道得道須是明師再訣得度心神心不起妄想志加備人物只可度道得道白日拔宅上昇者亦多至如天師許遜王長尹子兄弟上古三皇之徒皆拔都城宅而去皆莫不因此上中下三元九將軍五德六紀等將軍及七星九精五斗眾星但天地水三官合全鎖儀珠一十五卷中所部者眾神眾真仙靈將軍吏兵極通之法即得白日而上昇或拔宅俱去也昔周時西國胡神成道者是太上老君為務成子之時教胡王垂記身網訣之法得為右玄真人師事太平金闕玄元後聖玉皇上帝上道君者亦因此法訣得度平等心不非不妄之德子名地理力可千夫三子地皇五子地王等兄弟三人有

力勇猛精進智慧強人无名君故封為下元
三大仙官將軍之位領兵衛護得度法錄之
人註後聖今替三人故取以姓應前將軍名
為號今下元三將軍姓李姓黃姓王應前三
人名也今下元三將軍之始生也人學道不
知上中下三元大將軍始生之因萬无一人
得成道也而令見道劫億以滿註滿前三將
軍得替後李黃王人後聖君封為三將軍替
前位始生也前人遷昇天真後替依前部領
衛護有志修行之士并主下元人地水中惡
人神龍鬼精祟妖等不正道生行註夫有系
之物皆好生而畏死常欲取生道而行其中
有凶惡之徒妄行妖祟以禽獸蛇龍之物皆
須誅滅此不論人神龍鬼之物皆依法行
律誅滅即此上中下三元九大將軍行軍之
令今有六條一降伏天魔二制止凶人不行
邪道不違君師三常護法與法救人疾厄貧
乏四攝龍鬼精妖不為妄祟兵者誅之五感
通志心求道之人貴賤男女註大道不問貴
人賤人但有道性志心傳學得法錄修行便

與言功當今九等將軍保護此等人身家永
无魔障之厄永令無厄難厄難皆與度脫六
常衛護至人行住坐卧身家无有外魔所感
并急疾關奏章表啓告允達上聞令合天心
言功賞善无失科儀功滿扶志道之人與依
功白日上昇拔宅神通仙得者上住三清
上中下三元九等將軍各加遷太清太極大
真仙上品各依三皇世三元大將軍遷替品
位註言道者得遷仙真品位也替者各替三
得受此真人右位也至今釋門中隱吟為佛
結印之法即言心印是此國言引書論欲是
也度心平等註心得度平等非身受度衣服
之是无益之事也不疾不害註真心无妄无
疾无怪自是真人也不然註慾愛物入意者
得之則喜愛物心思者不得則嘆不嘆註真
人之性愛慾得之本有失之與不得心念本
無真心定性无嘆故名之真人也能行修三
等註堅身一通神二度心是三真人常行三
等身自合神註身神自備如合影之圓弘使
則繫代如合弘圖之用无不應用之萬事皆

通註真人心起念念物便得惡山自消也天
地水三官俱與同心註夫修至道成真人用
心慈弘濟度之恩同於天地水三官生成制
止萬物之功化也下元三將軍始生上古地
皇之代九王子註九王子三母生之也隨父
母學道老君時號玉靈大道君或號太上无
極先生或號無名君註按老君內傳云太上
老君先天地生姓李名元字文始天玉盤古
以前號曰元始天尊虛皇大道君蓋古之世
號曰太上道君天皇之世號高上老君地皇
之世號曰無名君人皇之世號曰常存君始
置上中下三元九大將軍皆是後聖君前後
應號所度封補將軍之位與大道將引後學
道之士見身力保已救人疾病救度有性之
人也與地皇說地內經十四篇註正是此金
籙書論云日吐月之法及正履斗衣星食燕
之理地皇行之十四年滿得道九子亦行之
而封為將軍地皇修行十四年白日上昇於
清微天號曰仙卿九子隨父王修行一十五
年亦白日拔宅上昇天宮其長註將軍之位

術流行而不絕者也太上老君元初曰大道
 生一一生二二生三即此之始上元主天象
 註象日月星宿官屬城守官關河陳雲霞雨
 雪霜蒸之類也中元主人物註物神龍鬼神精
 猛獸靈禽之屬等物下元主地水中註水中
 龍蛟魚鱗甲物之類也千精萬靈皆下元三
 將所主也以正道給兵各三十萬衆湧身長
 九丈或三文赤憤大冠或黃憤大冠身甲劍
 主制地官却除厄病死之籍注上生名則玄
 欲使也捨下元訣註下元三將訣亦左邊更
 向外一文左是也一云指甲下佩下元籙圖
 及鬼戴籙圖步地紀及禹步三步九跡之要
 誦五行相剋呪一十八首每一月之中三為
 之自得消災却禍去死來生入水入火
 入病入山遠行經過之處有凶人惡鬼毒蛇
 猛獸妖惡精物皆自歸伏不生毒害心也即
 身得長生計功成真註即前一年辟非二年
 辟兵是也老君曰上元辟天魔制天官度星
 宿飛天網佩於頭中前聖有告命上元將軍
 命詞北斗九精九真七星命詞曰上元唐卿

法主上清日月星宿輪轉元傳三元北斗本
 元住形天除魔將道炁清明宿運則玄命合
 長生與卿躡星魂魄俱行俱行乘龍太一來
 迎恭詣華宮後聖君城佐輔後聖同為仙卿
 畢飛天網註按未步前是也後聖君告命三
 官北斗符符在金鎖流珠飛天網篇中有符
 又在大有太丹隱書中兩處有又有中元辟
 人魔制陽官兵災厄及金木水火土天地羅
 網口舌之徒凶惡人鬼等衆災有七魄三魂
 命詞呪註呪在太上隱書及金鎖流珠上卷
 中金木相剋水火相滅是也後聖君告命九
 精鎮身飛步天網躡地紀符九符註在太丹
 隱書中又下元辟地魔制止陰官不清我身
 修行之人三魂七魄隨則玄身俱躡天地紀
 綱千迴萬轉變現成真出入江山神靈拜送
 皆存下元三將軍引領三部兵衆驅御雷公
 風雲叱咤清前蕩後百用百中千謀千成人
 鬼畏敬龍獸受使坐卧常存萬无不允秘之
 後聖君告天師曰上元中元下元各有三將
 軍小畫真身形如籙形帶佩註上元安頭上

冠中之中中元繫之在左肘後下元右肘後
 便存之從衆中出頭上肘後左右如中下二
 元存用二圖中相似出陣也上元如合弘等
 圖即行用也若不用時坐卧如合影圖求長
 生即禹步註禹步不論日月間即為之及家
 有人疾病口舌即代為之亦不逾三兩日自
 消多遠運於水火之急秘之勿傳非人有災
 厄即禹步能消萬災禹步訖即呪註呪有兩
 呪一呪清炁求長生呪在金鎖流珠第一卷
 中十八首畫輔一呪初陰官六官呪在後具
 粉陰官六官呪亦後聖君告授呪曰
 吾是太上弟子下統六天六天之官是吾所
 部不但所部乃太上之所主吾知六天官門
 名是故長生敢有犯者太上斬汝此呪不論
 禹步但每日修行了出靜戶外心誦之一二
 遍非常辟災害護身家中信敬人誦之益
 命不死太上老君告太極真人註太極真人
 夏禹也曰卿傳正教下仙皆知其始生始滅
 天仙上品中品之流亦未能得度生滅卿今
 聽取一一與吾教授合仙之人令度生滅夫

金鎖流珠引卷之五

下界人物不論貴賤皆從三五始生註三是三元五是五行夫人皆從三五始生即投三相之炁亦從三五所減者即連休廢之炁而減亦從三五所減註反身皆受三元之炁五行始生即有金木水火土之屬也而即轉輪藏建身有虛表三元之炁玉而致來福呈衛極三炁若乘即福來剋己金木相剋水火相剋即身出災福不出也能知三五萬步之宗門即入長生不死之道此法妙秘不傳非人妄傳師退仙階弟子被考三元主生運炁天地註上元主天象下元主地水通人註人通天地人亦象三元註且三元有九將軍法天原地通人人有九孔通出納三元炁也人是五行始成亦是五行所刑刑滅也能解五行註解是全鎖流珠上卷十八呪及萬步地紀也能解天地人中三元五行相剋刑禍之災次即流珠中飛步天網呪云金木水火土五行相推七星煥煥天網最威云云行之一年便不死立取長生此後聖君告玉君

右此三元流珠引五行別卷傳說

十六

正一天師清微弟子 洪百堅 製作
道教學術資訊網站

金鎖流珠引卷之六

思五

存使周將軍法圖

天師曰周將軍在後者為卷之首何也太上老君言為周將軍主人之心故人一身之中以心為身神之王故令撰周將軍為中元三將軍流珠卷之首若據正三元經即中元上元部唐將軍為首葛將軍第二周將軍第三今依太上初排雖為首而用之者須依三元正經所用也夫用法欲使中元要法訣者是老君口訣先躡紀五遍訖散為萬步三步九跡訖配衣七斗思之如法畢便先思左腎中唐將軍一人從左腎中出初只長一寸漸長八十一丈領兵三十萬眾往某州縣鄉里某人家有某事云註此心中或言捉某鬼或凶人又捉鬼殺病或有惡神鬼及縣官口舌之人見謀於我者種種思之符一在人意後用也後聖君告張天師曰本三元之法註上中下三元以主天地人也修道保護身家用